



Senin, 07 Nopember 2022
Ogen : Daniel 6:19-28



Nggeluh Senang



Mungkin pernah si begi pepatah sengsara membawa nikmat ntahepe ada hikmah dibalik musibah. Pepatah enda tepat kal ras kai si inanami Daniel. I bas ia erpenulak guna nembah raja, iaduken ia man raja, maka ia ibuangken i lubang singa. Aminna pe ceda ate raja Darius ngidah Daniel si ikelengina ngelanggar aturen si ibahanna, tapi lit sada hal si mereken sada arapen man Daniel, nina raja man bana, "Dibatandu, si isembahndu alu patuh, IAlah si mulahi kam". Arapen si isehken raja man Daniel enda teruji alu mehuli, maka Daniel la kena kai pe i bas lubang singa dingen nggeluh denga ka. Erkiteken sie, meriah ukur raja janah man kalak singaduken Daniel me sibenterken ku lubang singa. Kenca sie raja pe erbahan surat man kerina bangsa maka kerina kalak i bas kerajanna arus mbiar ras mehamat man Dibata si isembah Daniel. Sada kesaksin man raja Darius kerna uga Dibata e, maka IA Dibata si nggeluh, kinirajanNa rasa lalap, kuasaNa la erker-kerin, si ngkelini ras si mulahi manusia, tanda kuasaNa teridah i surga bagepe i doni. Emaka arah kesaksin ras perintah raja Darius maka Daniel ndatken nggeluh senang. Lit piga prinsip si banci sidatken arah pengalaman Daniel enda. (1) Prinsip tetap teguh ras paguh. Kiniteken Daniel la terugur aminna pe lit peraturen sibertentangen ras kinitekenna eme nembah jelma ras dibata sideban. Tapi ia tetap setia guna nempa man Dibata amin kai pe si terkadi. (2) Prinsip tetap bujur. Kebujuren Daniel jadi sada hal singena ate Dibata maka aminna pe reh percuban, tantangan, tek Daniel maka kalak bujur tetap isampati Dibata. (3) Prinsip ernalem man Dibata. Kalak si ernalem man Dibata tek makai bas situasi si ugapana pe, Dibata ngidah kerinana janah keleng ateNa tetap nge lit ras rasa lalap. Penampat Dibata labo pernah terlambat. Sebab ras Dibata ndatken geluh ibas kesenangan. "Dalam waktu-waktu kesulitan yang besar dan pengharapan yang besar, adalah bijaksana jika kita tetap tenang, diam dan sabar. Karena dengan demikian kita akan menempatkan diri dalam keadaan yang paling sesuai untuk melakukan tugas kita sendiri dan mengizinkan Allah bekerja". (Matthew Henry)